

害也雖有征伐之師人不怨也

唐玄宗御製道德真經疏卷之三

唐玄宗御製道德真經疏卷之四

含德之厚章第五十五

骨弱筋柔而握固

義云春秋鄭人伐楚屈瑕患之聞麇對

屈瑕曰師克在和不在衆商周之不敵君

所聞也屈瑕欲卜之曰卜以決疑不疑何

卜敗鄭師於蒲騷

以政治國章第五十七

以奇用兵

疏兵猶火也○義云春秋隱四年春衛公

子州吁弑其君完初衛莊公娶于齊東宮

得臣之妹曰莊姜美而無子衛人為賦碩

人之詩娶于陳曰厲嬀生孝伯早死其姊

戴嬀生桓公莊姜以為己子公子州吁

嬀人之子也有寵而好兵弗禁莊姜惡之

石碻諫曰臣聞愛子教之以義方不納子

邪憍奢淫佚所自邪也四者之來寵祿過

矣將立州吁乃早定之若猶未也階之為

禍夫寵而不驕驕而能降降而不憾憾而

能矜者鮮矣且夫賤妨貴少陵長遠間親

新間舊小加大淫破義所謂六逆也君義

臣行父慈子孝兄弟敬所謂六順也去

順効逆所以速禍也君人者將禍是務去

而遠之無乃不可乎弗聽石碻之子厚與

州吁遊禁之不可桓公立碻乃老二月戊

申州吁弑桓公而自立將修先君之怨於

鄭而求寵於諸侯以和其民使來告於宋

曰君若伐鄭以除君官君為主弊邑以賦

與陳蔡從則衛國之願也宋人許之於是

陳蔡將睦於衛故宋與陳蔡衛伐鄭圍其

東門五日而還宋公乞師於魯魯辭之隱

公問於衆仲曰州吁其成乎對曰臣聞以

德和民不聞以亂理亂理猶理絲而芬

之也夫州吁弑其君而虐用其民不務令

德而欲以亂成必不免也州吁未能和其

民厚問定君於石子石子曰王觀為可曰

何以得觀曰陳桓公方有寵於王陳衛方

睦若朝陳使請必可得也厚從州吁如陳

石碻使告于陳曰衛國禍小老夫耄矣無

能為也此二人者實弑寡君敢即圖之陳

人執之而請莅於街九月衛人使右宰醜
吁于濮石碣使其宰糲切秩羊肩殺石厚
于陳君子曰石碣純臣也惡州吁而厚預
為大義滅親其是之謂乎所謂子從殺君
之賊國之大逆不可不除故云大義滅親

明小義則兼愛其子也

人多伎巧

義云春秋丹桓官之楹刺桓官之補補林
書而譏之臧文仲山節藻梲也

法令濫彰

義云禮運曰大道既隱天下為家城郭溝
池以為固禮義以為理故謀用是作而兵
由此起法令滋彰盜賊多有春秋曰夏有
亂政而作為刑殷有亂政而有湯刑周有
亂政而作為九刑三辟之具皆叔世也民是
以亂免而無耻也

其政悶悶章第五十八

禍兮福所倚福兮禍所伏

義云齊有仲孫之難而桓公興遂霸其國
晉有里克之難而文公作而把諸侯是二

國因禍而昌也衛方寧靜狄人滅之邢方
晏安衛人滅之是二國無禍而衰也故伏
藏因倚莫知其極故春秋云有禍而荅其
疆土無禍而喪其守守不可知也
其無正邪

義云側身修德雖難不足以貽災坦慮忘
懷失焉未必以為禍悔悟無準召之由人
焉

治人事天章第五十九

治人事天

疏梁盛豐備○義云春秋桓公六年楚武
王侵隨使其大夫遠音章求成焉軍於隨
之瑕地以待之隨人使少師董成聞伯比
言於楚子曰吾不得志於漢東也我則使
然我張吾三軍而被吾甲兵以武臨之彼
則懼矣而和協以謀我故難問也漢東之
國以隨為大隨張必棄小國小國離楚之
利也少師修請羸師以張之音率且子
切比曰隨賢臣季良在何益闢伯比曰以
為後圖季良諫不過一見從少師得其君

心行少師之計王毀軍而納少師少師歸
請追楚師隨侯將許之季良止之曰天方
授楚楚之羸師誘我也君何急焉臣聞小
之能敵大也小道大淫所謂道者忠於民
而信於神上思利民忠也祝史正詞信也

今民餒而君逞欲祝史矯舉以祭臣不知
其可也隨侯曰吾牲牷肥腍音案盛豐備
何則不信對曰夫民神之主也是以聖王
先成民而後致力於神故奉牲以告曰博
碩肥腍謂民力之普存也謂其畜之碩大

蕃滋也謂其不疾癘音蠶也謂其備
物咸有也奉築盛而告曰索音案豐盛謂其
三時不害而民和年豐也奉酒醴以告曰
嘉粟旨酒謂其上下皆有嘉德而無違心
所謂馨香無譏也務其三時修其五教
親其九族以致其禮祀於是乎民和而神
降之福故動則有成今民各有心而鬼神
之主君雖獨豐其何福之有君姑修政而
親兄弟之國庶免於難隨侯懼而修政楚
不敢伐矣三時者春耕夏種秋收農之三

時也
夫惟畜

註何以聚人曰財○義云易下繫云天地之大德曰生聖人之大寶曰位何以守位曰仁何以聚人曰財財所以資生者也

可以有國

疏易曰王假有廟有家是也○義云有國者車軌所及書文所同人服其德遠懷其化可以謂之有國矣或以武威所制說道所臨苟有其邦人所未服或承平統曆嗣位守國厥德有愆恩化不浹者皆非謂其國矣王假有廟有家者易萃卦云王假有廟致孝享也假聚也王以聚人至於有廟有廟乃以能致其孝享故曰利見大人聚以正也觀其所聚則天地萬物之情可見矣天下崩離則民怨雖有享祀與無廟同王至大聚之時孝德乃洽始可謂之有廟矣王假有家者易家人卦九五辭云王假有家勿恤象曰王假有家交相愛也王能有家道在下莫不化之天下既化六親和

睦故曰交相愛也渙卦亦有王假有廟其義同也

是謂深根固蒂長生久視之道

義云人君以道德養生靈以儉嗇理天下豐財則國富積德則祚隆遠近歸心華戎率服又能母養萬物子愛羣生根深則祚曆無疆蒂固則子孫延永長生久視奕葉重光

治大國章第六十

非其鬼不神其神不傷民
疏春秋曰其氣燄以取之○義云春秋莊十四年夏鄭厲公自櫟侵鄭及大陵獲大夫傅瑕瑕曰苟舍我我請納君與之盟而赦之六月甲子傅瑕殺鄭子儀及其二子而納厲公初鄭有杖焉內蛇與外蛇闕南門之中內蛇死六年而厲公入公聞之間於申繻曰猶有杖乎對曰人之所忌其氣燄以取之言若火燄燄未成而進退之時以喻人心不堅正也妖由人興人無豐焉妖不自作人棄常則妖興故有妖厲公入

遂殺傅瑕使謂原繁曰傅瑕貳周有常刑既伏其罪納我而無二心者吾皆許之上大夫之事吾願與伯父圖之且寡人出伯父無裏言入又不念寡人社稷有主而外其心寡人憾焉對曰先君桓公命我宗人

典司宗祐石廟社稷有主而外其心其何貳如之苟主社稷國內之民其誰不為臣臣無二心天之制也子儀在位十四年矣而謀召君者庸非二乎莊公之子猶有八人若皆有官爵行賂勸貳而可以濟事君

其若之何臣聞命矣乃縊而死
天兩不相傷故德交歸焉

疏人為神主○義云春秋僖十九年宋桓公使邾文公用鄆鄆子於次睢之社司馬子魚曰古者六畜不相為用小事不用大牲而况敢用人乎祭祀所以為人而夫人神之主也用人其誰享之齊桓公存三亡國者以屬諸侯為士猶曰薄德令君一會而虐二國之君言執滕子用鄆子也又用諸陸昏之鬼將以求霸不亦難乎得免焉

諸陸昏之鬼將以求霸不亦難乎得免焉

幸恐其亡國也子魚宋公子目夷也睢水自汴入泗而有狄神東夷殺人以祭之馬六畜不相為用者如祭馬祖不可用馬况用人乎今聖人以道育之鬼神交福而不相害可謂玄德乎

大國者下流章第六十一

義云春秋昭三十年鄭遊吉對晉大夫士景伯曰小國事大在恭其時命大國字小在恤其所無先王之制也取備而已所以交其好也此固大國切於用謀不在乎以大制小也

故大國以下小國則取小國

義云春秋襄十四年大國能安撫小國如晉為盟主而衛國逐其君而立剽晉欲討其罪晉侯問故於中行獻子懼對曰不如因而定之伐之未必得志而勤諸侯史佚有言曰因重而撫之仲虺有言曰亡者撫之亂者取之推亡固存國之道也君其定術以待時乎冬會于戚以謀衛此所謂大國之撫小國也又大國之聚小國者謂羣

方朝會無代無之故夏啓有鈞臺之享在河南也商湯有亳之命在偃師也周武有孟津之誓成王有岐陽之蒐康王有鄴官之朝在鄆社也穆王有塗山之會在壽春也齊桓有郟陸之師晉文有踐土之盟皆以大國恤下小國事上各得其所也大國不能撫小國者文十七年如晉侯不能字有諸侯強令於鄭鄭子家與趙宣子書曰古人有言畏首畏尾身其餘幾又曰鹿死不擇音小國之事大國也德則其人不得則其鹿也鋌而走險急何能擇此言晉若虐命於鄭鄭將庇於楚矣命之罔極亦知亡矣將悉弊賦以待於儻音叔晉居大國之境也國之間而從於強令豈其罪也此由大國不能撫懷于小將致其叛故大國之于小國當謙和以下之柔靜以懷之取言聚也以聚於人也

小國以下大國則取大國

義云小國不能致禮竭誠奉事大國者僖公二十一年如宋人為鹿上盟之以求諸

侯于楚楚人許之宋公子目夷曰小國爭盟禍也宋其亡乎幸而後敗及盟目夷曰禍其在茲乎君欲已甚其何以堪之於是楚執宋公以代宋冬會于亳乃釋之目夷曰禍由未也未足懲君此小國不能事大國也夫小國能事大國者如隱公元年三月邾儀父盟于蔑音魯邾以附庸之君未王命故書名然其小國能通大國繼好息民書字以貴之是也朝聘者大國適小國為聘大事小也小國適大國為朝小事大也

繼好結信也謀事補闕禮之大也孟子曰唯仁者能以大事小湯事葛伯文王事昆夷是也唯智者能以小事大太王事薰蕪勾踐事吳是也大事小謂之樂天小事大謂之畏天樂天者保天下畏天者保其國

詩云畏天之威于時保之此周頌美成王畏天之威能安其太平也

故或下以取或下而取

疏春秋曰師能左右之○義云春秋僖二十六年秋宋叛楚而善於晉楚令尹子玉

司馬子西帥師伐宋圍緡公以楚師伐齊取穀凡師能左右之曰以謂進退在已實桓公之子雍於穀以為魯援楚申公叔侯成之桓公之子七人為七大夫於楚言齊孝公不能撫之故也二十八年楚子使申叔去穀也此言左右由已取捨因時也

大國不過欲兼畜人小國不過欲入事人義云小國求大國為援助者春秋文十四年秋鄭伯與魯公宴于葵鄉大夫歸生子家賦鴻鴈之什取其哀恤鰥寡之義使魯侯恤之又賦載馳之四章言鄭國寡弱取其小國有急欲引大國以為援助是也

兩者各得其所欲故大者宜為下義云若大國不能為下或會之以修示之以快人必難之夏桀為有仍之會而民叛之商紂為黎之蒐東夷叛之周幽為太室之盟戎夷叛之宋襄為鹿上之會而諸侯叛之楚子為申之會而人心去之懷不以撫綏不以禮人人各有心其可服乎

道者為物之與章第六十二

道善萬物之與

疏引西昇經○義云西昇經者老君周昭王二十五年癸丑四月於終南之陰尹喜草樓之內授道德二經既畢欲西化流沙尹喜問存三守一之方習道修身之要後以聖言編纂以昇入太極西化流沙之義西昇經凡三十六章九百七十二句四千二百七十八言其旨與道德經相出入言大道甚深甚奧為虛無之淵藪也

故云天子置三公

義云四海之大萬有之殷厥初生人不可無主故立天子以牧之天子者尊事上帝父事於天母事於地謂天之子也一人不可以廣理置百官以臨之百官之長有三公焉尚書周官云其惟三公論道經邦太師者智足以為泉源行足以為儀表問焉則應求焉則得謂之太師亦曰尚父太言大也為王之師安車青蓋金印紫綬太傅者訓也保也大戴禮云傳天子以德義若天子無恩於父母不惠于庶人失禮於大

臣不中於制獄皆太傅之失職也太保者倚也任也大戴禮云天子處位不端受書不敬言語不序聲音不中律進退即席無升降揖讓之禮皆太保失職也復置三公太尉司徒司空主佐天子理陰陽親萬人廣教化此其職也天工人其代之者書卷繇謨曰一日二日萬機無曠庶官天工人其代之曠空也庶衆也居其位者惟其人非其人則闕之言人代天理官不可以天官為私用非其材也

雖有拱壁以先駟馬

疏春秋云乘韋先牛十二犒師之類是也義云春秋僖三十三年晉師伐鄭及滑鄭商人弦高將市於周遇之以乘韋先牛十二犒師曰寡君聞吾子將出師于弊邑敢犒從者不腆弊賦為從者之淹止則具一日之積行則備一夕之衛且使遽告于鄭因有備焉

其安易持章第六十四

不貴難得之貨

1 2/001 00

疏外謂珠犀寶貝○義云珠者大或徑寸
光照十二乘乃古人之所貴也犀者南徼
之外有牛重千餘斤一角在鼻端可以為
寶中斷其角有文通達成形象者有辟塵
者有辟水者磨而服之可解蠱毒之疾難
見之夜驚故曰駭難犀亦今古所貴也金
玉珍異草木毛羽衆所奇重者皆曰寶焉
貝者出東海中如螺有文有長尺者可以
為寶在海為介蟲居陸名焱在水名蚶甘
古者貨貝而寶龜周有泉貝到秦廢貝而
行錢貝字者象形也今凡貨賄贈賚賞賜
賅賚凡財之屬皆從貝矣古詩曰積財為
累愚明財多累德也古有三幣珠玉為上
黃金為中刀布為下帝王以之御四海也
古之善為道章第六十五

不以智治國國之福

註偃息者魏弄丸解難○義云偃息者魏
者段干木為魏文侯之師以安靜為先道
德為化故偃息無事而藩屏魏國矣偃者
偃仰也息寔息也藩籬屏也弄丸解難者

楚白公勝與大夫子西兩家舉兵相伐兩
家大夫曰市南宜僚陸沉之士也一人當
五日人並遣使往召之宜僚高枕安卧以
見二大夫之使卧而不起以兩手弄丸不
亡承之以劍不動二大夫之使各還具論
宜僚之狀二大夫曰高枕安卧者示我無
為也承之以劍不動者兵不足恃也兩手
者喻兩家也丸者形圓無為之物兩手弄
之不止者俱止于困也明兩家稱兵不止
必至滅亡二大夫解兵而歸是兩家難解
也事見莊子也
謂玄德玄德深矣遠矣與物及矣然後乃
大順
義云大順者本乎人情禮記禮運篇曰人
情者聖王之田也故聖王修義之柄禮之
序以理人情以情為田修禮以耕之和剛
柔也陳義以種之樹善道也講學以耕之
存是去非也本人以聚之合其所成也播
樂以安之感動使堅固也理國不以禮猶
耕以耕也為禮不本於義猶耕而不種也

為我而不講之以學猶種之而不耕也講
之以學而不合之以仁猶耨之而弗穫也
合之以仁而不安之以樂由之而不食也
安之以樂而不達之於順猶食之而不肥
也大四體既安膚革充盈人之肥也父子
篤兄弟睦夫婦和家之肥也大臣法小臣
廉官職相序君臣相正國之肥也天子以
德為車以樂為御諸侯以禮相與大夫以
法相序士以信相考百姓以睦相守天下
之肥也是謂大順故天子用民為順則天
不受其道地不受其實人不愛其情衆瑞
出為順之寶也
用兵有言章第六十九
無兵
義云射既火脰之矢烏號繁弱之弓魚腸
昆吾之刀太阿巨闕之劍吳鈎楚矛蜀弩
孟常豈假執持無所用矣五兵者戈矛艾
戟干言有五等也周禮廬人為廬器凡秘
過三其身不能用也秘柄也戈秘長六尺
六寸矢長尋有四尺八尺曰尋言一丈二

尺也牙常有四尺表牙三尋夷長也長二丈四尺平野之兵欲長山林之兵欲短執欲其銳被欲其堅兵有鼓角金革牙旗斧鉞十胃旌節旗幟旒旄弓弩矢各有制度其大約分為五等說文曰拱手執介曰兵

莫大於輕敵

義云用兵之道敵國在前先伐其謀次料其敵勇怯既等衆寡復均然猶得天之時假天之利揣理之曲直因人之協和或高

墨深溝控孔明之銳氣焚舟示死雪秦繆之前益頊長星而告終封殺尸而歸國若不然而則五千深入永悲於鴈塞龍堆百萬橫行竟怯於風驚鶴唳晉山草木盡變人形昆陽犀象寧為我用則謙慈之實於

茲喪夫

故抗兵相加哀者勝矣

義云夫雖戎狄侵邊豺狼害國軒齒肆孽妖逆亂常推轂命師鑿門授律與民除害不得已而征之猶慮強抗則乖仁故哀慈

則合道也

民之生章第七十六

本強則共

義云木以本大居下固其宜然末大於本固非其稱諺曰尾大不掉國之所戒趙氏以之傾晉田氏以之易齊子之致疑于燕太叔見敗於鄭豈非末大於本臣強於君乎理非順也合手曰拱昔秦殺生於殷朝七日大拱秦伯怒於蹇叔墓木拱矣皆合拱也

天下柔弱章第七十八

天下柔弱莫過於水

義云水之為用其體至柔其性善下萬川委輸百谷朝宗霏霧露以凌虛貫胎回而上漢言其大也古今註海而不盈言其細也毫末粟生而有潤故老君配之於道焉三能不讓七德備周包裹造化貫穿形兆處濁受汙隨方任圓此其至柔也故物莫能傷焉及其泛十洲浮八極淪藏日月涵貯乾坤陵谷由之而華遷鯤鵬託之而變

化摧山穴石無所不能此其至強也故物莫能制焉

是謂社稷主

義云社稷者帝王立國左宗廟右社稷而為王矣宗廟者尊祖配天之位也社稷者尊稼穡備祭盛為生民粒食之本也

唐玄宗御製道德真經疏卷之四